

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1808791746, 1808795131, 1808784810, 1808858689 որոշումները անփոփոխ, իսկ գանգատն առանց բավարարման թողնելու մասին

<<26>> 12 2018թ. 17-4-6889

ք.Երևան

<< ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով <<Նոր տաքսի>> ՍՊԸ տնօրեն Վազգեն Ռաֆայելյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

<<Նոր տաքսի>> ՍՊԸ տնօրեն Վազգեն Ռաֆայելյանը 132528-18 դիմումով հայտնել է, որ ճանապարհային ոստիկանության թիվ 1808755357, 1808631603, 1808791746, 1808795131, 1808784810, 1808858689, 1808634470, 1808610323 որոշումներով ամրագրված իրավախախտումները կատարվել են Հարություն Արմենի Թամրազյանի կողմից և խնդրել է դրանք վերահասցեագրել վերջինիս: Ուսումնասիրությամբ պարզվել է, որ թիվ 1808755357, 1808631603, 1808634470, 1808610323 որոշումների վերաբերյալ գանգատը ներկայացվել է Վարչական իրավախախտումների վերաբերյալ ՀՀ օրենսգրքի 288-րդ հոդվածով նախատեսված վարչական իրավախախտման վերաբերյալ գործի որոշման դեմ գանգատ ներկայացնելու համար սահմանված 30-օրյա ժամկետի խախտմամբ, ուստի դրանց մասով դիմումը քննության ենթակա չէ: Ինչ վերաբերում է թիվ 1808791746, 1808795131, 1808784810, 1808858689 որոշումներին ապա՝ որոշումների հիմքում դրված լուսանկարները փաստում են, որ դրանցով ամրագրված իրավախախտումները ակնհայտորեն չեն կատարվել Հարություն Արմենի Թամրազյանի կողմից, քանի որ որոշումներով ամրագրված իրավախախտումներ հիմքում դրված լուսանկարներից ակնհայտ է, որ ավտոմոբիլը վարում է այլ անձ: Նշված փաստերի համադրումը հիմք է տալիս հաստատված համարել այն հանգամանքը, որ վերջինիս կողմից դիմում ներկայացնելը նպատակ է հետապնդում տրանսպորտային միջոցի սեփականատիրոջն ազատել վարչական պատասխանատվությունից:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1808791746, 1808795131, 1808784810, 1808858689 որոշումները թողնել անփոփոխ, իսկ գանգատն՝ առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակներն ուղարկել <<Նոր տաքսի>> ՍՊԸ տնօրեն Վազգեն Ռաֆայելյանին (հասցեն՝ ք. Երևան, Քեսաբցիների փ., 6), Հարություն Արմենի Թամրազյանին (հասցեն՝ ք. Երևան, Շերամի փ., շ. 13, բն. 16)

